




Broj: 02-04-26792-39/22
Sarajevo, 07.07.2022. godine



Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba („Službene novine Kantona Sarajevo“, broj: 4/04, 29/09 i 18/13) Vlada Kantona Sarajevo, na **85.** sjednici održanoj **07.07.2022.** godine, donijela je

ZAKLJUČAK

1. Utvrđuje se Program o izmjenama i dopuni Programamjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini, koji je sastavni dio ovog zaključka.
2. Za realizaciju Programa iz tačke 1. ovog zaključka zadužuje se Javna ustanova “Služba za zapošljavanje Kantona Sarajevo” Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo, svako u okviru svoje nadležnosti.


PO OVLAŠTENJU PREMIJERA

ministar Davur Čičić



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.



Broj: 02-04-26792-39.1/22
Sarajevo, 07.07.2022. godine

Na osnovu člana 4. stav (1), a u vezi sa članom 9. i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo Vlada Kantona Sarajevo, na **85.** sjednici održanoj **07.07.2022.** godine, donijela je

PROGRAM

o izmjenama i dopuni Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2022. godini

Član 1.

U Programu mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2022. godini, broj: 02-04-10691-41.1/22, utvrđen Zaključkom Vlade Kantona Sarajevo, broj: 02-04-10691-41/22 od 17.03.2022. godine, član 2. mijenja se i glasi:

“Član 2.

a) Programi u realizaciji:

1. Program sufinansiranja Javnih radova;
2. Program sufinansiranja samozapošljavanja nezaposlenih osoba koje imaju najmanje deset godina radnog staža;
3. Program sufinansiranja samozapošljavanja mladih nezaposlenih osoba do 35 godina života;
4. Program sufinansiranja zapošljavanja teško upošljivih kategorija nezaposlenih osoba;

b) Novi program:

1. Program sufinansiranja zapošljavanja žena "40+";"

Član 2.

Član 3. mijenja se i glasi:

“Član 3.

Finansijska sredstva za realizaciju pojedinačnih podsticajnih mjera iz člana 2. Programa ostaju nepromjenjena i iznose 6.099.034,00 KM, a raspoređuju se na pojedinačne podsticajne mjere na sljedeći način:

- a) Programi u realizaciji:
1. Program sufinansiranja Javnih radova – 884.234,00 KM za 500 nezaposlenih osoba;
 2. Program sufinansiranja samozapošljavanja nezaposlenih osoba koje imaju najmanje deset godina radnog staža – 560.000,00 KM za 56 nezaposlenih osoba iz ciljne skupine;
 3. Program sufinansiranja samozapošljavanja mladih nezaposlenih osoba do 35 godina života – 1.288.000,00 KM za 70 nezaposlenih osoba iz ciljne skupine;
 4. Program sufinansiranja zapošljavanja teško upošljivih kategorija nezaposlenih osoba – 2.926.800,00 KM za 271 nezaposlenu osobu iz ciljne kategorije;
- b) Novi program:
1. Program sufinansiranja zapošljavanja žena “40+” 440.000,00 KM za 45 nezaposlenih osoba iz ciljne skupine;”

Član 3.

Iza člana 7. dodaje se član 7a. i glasi:

“Član 7a.

PROGRAM SUFINANSIRANJA ZAPOŠLJAVANJA ŽENA „40+“

- (1) Program sufinansiranja zapošljavanja žena „40+“ (u daljem tekstu: Program) realizuje se zapošljavanjem nezaposlenih žena kod poslodavaca sa područja Kantona Sarajevo.
- (2) Cilj Programa je kraće trajanje nezaposlenosti žena i povećanje mogućnosti stalnog zaposlenja.
- (3) U Programu pravo učešće imaju nezaposlene osobe ženskog pola koje na dan objave javnog poziva imaju 40 i više godina, prijavljene na evidenciju nezaposlenih u Kantonu Sarajevo, te poslodavci sa područja Kantona Sarajevo.
- (4) Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 800,00 KM, po novouposlenoj ženskoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- (5) Javni poziv za Program sufinansiranja zapošljavanja žena „40+“, neće se objavljivati već će se u obzir uzeti aplikacije poslodavaca za ovaj program, zaprimljene po Javnom pozivu od 21.03.2022.godine.
- (6) Poslodavci koji redovno ne izmiruju obaveze uplate javnih prihoda ne mogu učestvovati u Programu, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru kao ni poslodavci koji nemaju radnika prijavljenih na penzijsko – invalidsko osiguranje.
- (7) Kriteriji za vrednovanje aplikacija su:
 1. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
 2. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 2 boda,
 3. poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba – 2 boda,
 4. poslodavci koji se prvi put javljaju za učešće u programima sufinansiranja zapošljavanja – 2 boda, ostali poslodavci 1 bod,
 5. poslodavci sa većinskim privatnim vlasništvom – 3 boda, ostali poslodavci 1 bod.

- (8) Kod istog broja bodova prednost se daje poslodavcu koji je prije podnio aplikaciju za učešće u ovom programu.
- (9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
- (10) Izuzetno, odredbe stava (9) ovog člana, ne odnose se na poslodavce iz javnog sektora.
- (11) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anekse ugovora.
- (12) Ugovorom iz stava (11) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj radnika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- (13) Rok za realizaciju Programa je 18 mjeseci od dana potpisivanja pojedinačnih ugovora iz stava (11) ovog člana, uključujući i eventualne anekse ugovora.
- (14) Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a što će se definisati aneksom ugovora o sufinansiranju.

Član 4.

Član 6. stav (4), a koji se odnosi na rok za realizaciju Programa, mjenja se i glasi:

“(4) Rok za realizaciju Programa samozapošljavanja je 24 mjeseca od dana usvajanja listi aplikantata kojima je odobreno učešće u Program samozapošljavanja.”

PO OVLAŠTENJU PREMIJERA

ministar Davor Čičić



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.